



## Vischnaunca da Schluein

Via Veglia 11, 7151 Schluein GR

[www.schluein.ch](http://www.schluein.ch) / [info@schluein.ch](mailto:info@schluein.ch)

T 081 925 36 04

---

### **Exposiziun publica dal project per la correcziun dal curs d'aua cun rapport davart la cumpatibilitad ecologica**

**Rempar Val da Schluein, vischnancas da Schluein, da Falera, dad Ilanz/Glion**

**Project d'exposiziun nr. 381.1-F dal december 2023**

#### **1. Lieu e durada da l'exposiziun**

Las actas dal project ed il rapport davart la cumpatibilitad ecologica èn exponids dals 17 da matg 2024 fin ils 17 da zercladur 2024 tar las administraziuns communalas da la vischnanca da Schluein, Administraziun communal, Via Veglia 11, 7151 Schluein, da la vischnanca da Falera, Administraziun communal, Via Principala 45c, 7153 Falera e da la vischnanca dad Ilanz/Glion, Administraziun communal, Piazza Cumin 9, 7130 Glion, sco er tar l'Uffizi da construcziun bassa dal Grischun, Loèstrasse 14, 7000 Cuir, per l'invista (art. 11 da la Lescha chantunala davart la correcziun dals curs d'aua; LCCA, DG 807.700). Durant il temp d'exposiziun pon ils documents er vegnir consultads e chargiads giu sut [www.tiefbauamt.gr.ch](http://www.tiefbauamt.gr.ch) > Rumantsch > Actualitads.

#### **2. Dumondas per permissiuns spezialas**

Las suandantas dumondas fan part dal project d'exposiziun:

- dumonda da permissiun per inducir u per laschar sfundrar aua persa smerdada tractada tenor l'art. 7 al. 1 da la Lescha federala davart la protecziun da las auas;
- dumonda da permissiun per construir edificis e stabiliments en secturs da l'aua sutterrana spezialmain periclitads tenor l'art. 19 al. 2 da la Lescha federala davart la protecziun da las auas;
- dumonda da permissiun per repars e per correcziuns d'auas currentas en territoris surbajegiads tenor l'art. 37 al. 3 da la Lescha federala davart la protecziun da las auas;
- dumonda da permissiun per construir stabiliments ch'èn dependents dal lieu e che stattan en l'interess public en il spazi d'auas tenor l'art. 41c al. 1 da l'Ordinaziun davart la protecziun da las auas;
- dumonda da permissiun per allontanar la vegetaziun da las rivas tenor l'art. 22 al. 2 da la Lescha federala davart la protecziun da la natira e da la patria;
- dumonda da permissiun tenor la legislaziun da pestga per far intervenziuns tecnicas en las auas tenor l'art. 8 al. 1 da la Lescha federala davart la pestga;
- dumonda da runcar tenor l'art. 5 da la Lescha federala davart il guaud;
- dumonda da permissiun per installar e per manar deponias tenor l'art. 30e al. 2 da la Lescha federala davart la protecziun da l'ambient en cumbinaziun cun l'art. 39 al. 1 e cun l'art. 40 al. 1 da l'Ordinaziun da ruments sco er tenor l'art. 42 al. 1 e l'art. 43 al. 1 da la Lescha chantunala davart la protecziun da l'ambient;
- dumonda d'approvaziun dals plans tenor l'art. 6 al. 2 da la Lescha federala davart ils implants d'accumulaziun.

### 3. Restricziun dal dretg da disponer

A partir dal di che l'exposiziun è vegnida publicada uffizialmain dovran ils projects da construcziun entaifer il territori ch'è cumpiglià dal project ina permissiun dal Departament d'infrastructura, energia e mobilitad dal Grischun. Questa permissiun vegn concedida, sch'il project da construcziun n'ha naginas consequenzas engrevgiantas per acquistar il terren u per realisar il project.

### 4. Protestas

#### 4.1 Legitimaziun

Tgi ch'è pertutgà dal project d'exposiziun e po far valair in interess degn da protecziun per abolir u per midar quel, ha il dretg da far protesta. Il dretg da far protesta han plinavant las vischnancas pertutgadas e tgi ch'è autorisà tras il dretg federal da far quai.

#### 4.2 Objecziuns

Vegnir fatgas valair pon:

- a) objecziuns cunter il project d'exposiziun e cunter las dumondas per ulteriuras permissiuns ch'èn colliadas cun quel sco er cunter in'expropriaziun previsa e cunter sia dimensiun;
- b) dumondas d'indemnisaziun, en spezial pretensiuns per ils dretgs che vegnan fatgs valair ed autras pretensiuns che resultan dal dretg chantunal d'expropriaziun. Questas dumondas vegnan rectificadas suenter l'approvaziun dal project en la procedura per l'acquist da terren.

#### 4.3 Termin ed adressat

Protestas ston vegnir inoltradas entaifer il temp d'exposiziun cun ina curta motivaziun al Departament d'infrastructura, energia e mobilitad dal Grischun, Ringstrasse 10, 7001 Cuir.

Sche pretensiuns d'indemnisaziun vegnan fatgas valair posteriuramain, ston vegnir observadas las consequenzas da la negligentscha tenor l'art. 17 da l'Ordinaziun chantunala d'expropriaziun (OExp; DG 803.110).

Departament d'infrastructura, energia  
e mobilitad dal Grischun

La scheffa:

Dr. Carmelia Maissen, cussegliera  
gubernativa

Cuir, ils 17 da matg 2024